



(Sinatura do Presidente)

Folio N.º

Serie A N.º 1179441

NUMERADO
CORPORACIONES
LOCAIS

O concelleiro Orge Míguez insiste en que se retire o asunto da orde do día para negocialo de seguido.

O concelleiro Pazos Couñago dí que están de acordo en retira-lo asunto e sinala que o persoal eventual que exercía no anterior mandato, por exemplo co BNG, tamén podía exercer dita función coordinadora. Dí que agora o que fan é baixar de tres postos (dous deles a media xornada) a un e iso sí supón un aforro.

Por alusións con respecto ao punto anterior intervén o concelleiro Varela Couñago dicindo que non saben nada de "guiños" á sua agrupación e cando decidiron absterse na elección do Alcalde todos foron a falar con eles e a todos lles dixerón o mesmo sen cambiar en ningún momento de opinión .

VOTACIÓN E ACORDO

A Corporación, en votación ordinaria e por unanimidade, acorda retira-lo punto da orde do día.

E, non sendo outro o obxecto da presente sesión, pola Presidencia dase por rematado o acto, sendo as vinteunha horas e trinta e cinco minutos da data indicada no encabezamento, de todo o que como Secretaria dou fe.-

Nº 13/2011

SESIÓN EXTRAORDINARIA CELEBRADA POLO PLENO DO CONCELLO O DÍA 6 XULLO 2011

ORDE DO DIA

- 1.-APROBACIÓN, NO SEU CASO, DA ACTA DA SESIÓN ANTERIOR.
- 2.-ADOPCIÓN DE ACORDOS SOBRE PERSOAL EVENTUAL
- 3.-ADOPCIÓN DE ACORDOS S/ RÉXIME RETRIBUTIVO DOS MEMBROS DA CORPORACIÓN.

Na Casa do Concello de Redondela, sendo as vinte horas e trinta minutos do día seis de xullo de dous mil once, baixo a Presidencia do Sr. Alcalde, JAVIER BAS CORUGEIRA e a asistencia dos/as concelleiros/as seguintes: MIGUEL ANGEL ALVAREZ BALLESTEROS, JOSE ALBERTO PAZOS COUÑAGO, MARIA TERESA PARIS BLANCO, ANA MARIA ALONSO ALONSO, JESUS CRESPO LOPEZ, MARIA JOSE BARCIELA BARROS, ERMINDA QUELLE FERNANDEZ , ARTURO GONZALEZ BARBEIRO, CANDIDO VILAOA FIGUEROA, EDUARDO JOSE REGUERA OCAMPO, LUIS ALBERTO ORGE MIGUEZ, ANTONIO CABALEIRO MILLARES, LETICIA GONZÁLEZ GUISANDE, LEONARDO CABALEIRO COUÑAGO, JOSE GARCÍA MÍGUEZ, DIGNA ROSA RIVAS GÓMEZ, CECILIA PÉREZ ORGE, XOAN CARLOS GONZÁLEZ CAMPO, JORGE VARELA COUÑAGO

Asistidos pola Secretaria da Corporación, Ana Begoña Merino Gil, e máis polo Interventor Municipal, Angel Santamariña Ribera.

INCIDENCIAS

Non asiste, polo pasamento do seu pai, o concelleiro ANTONIO VÁZQUEZ SACO.

Con carácter previo ao tratamento dos asuntos incluídos na Orde do Día, o Alcalde adica unhas verbas en relación a dous acontecementos que califica de "tristes" referíndose ao pasamento de RITA REGOJO OTERO e ao do pai do compañaero da Corporación, concelleiro do PS de G-PSOE, ANTONIO VÁZQUEZ SACO, expresando as condolencias do pleno do Concello polos mesmos e o recoñecemento especial á persoa da señora Regojo, filla predilecta de Redondela, pola sua labor ao fronte de Aldeas Infantiles, entre outros moitos méritos.

De seguido a Corporación, garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a tratar os puntos da Orde do Día.

1.- APROBACIÓN DA ACTA DA ÚLTIMA SESIÓN.-

Dada conta do Acta correspondente á última sesión, celebrada con carácter extraordinario o día 27 de xuño de 2011, pola Secretaria sinálase que por un erro transcribiuse unha proposta sobre o réxime retributivo dos concelleiros non correxida, diferente á que constaba no expediente do pleno, razón pola cal pide disculpas e sinala a necesidade de incorporar a correcta ao Acta.

A concelleira Pérez Orge aclara que na última páxina recóllese unha intervención do concelleiro Varela Couñago afirmando que "todos" foron falar con eles, e sinala que non foi así no caso do BNG, cousa que recoñece mesmo o concelleiro da AER ainda que iso non supoña modificación do Acta nese punto concreto.

O Pleno do Concello, en votación ordinaria e por unanimidade dos/as seus membros, sendo dezanove votos a favor (10 do PP , 7 do PSdeG-PSOE, 2 do BNG, e 1 da AER), acorda prestar aprobación á acta da sesión celebrada con carácter extraordinario o día 27 de xuño de 2011 coa rectificación resultante do indicado pola Secretaria.

2. ADOPCIÓN DE ACORDOS S/ PERSONAL EVENTUAL

ANTECEDENTES

Proposta da Alcaldía que, transcrita, di:

"Visto o disposto nos artigos 104 da Lei 7/85 de 2 de abril Reguladora das Bases do Régime Local (LBRL) e 250 Lei 5/97 de xullo da Administración Local de Galicia (LALGA) teño a ben propoer ao Pleno do Concello, a adopción do seguinte acordo en relación ao asunto de referencia:

Establecer que o posto de natureza eventual e as súas características será o seguinte:

Coordinador/a xeral da Alcaldía

Características e retribucións: Xornada completa. As retribucións brutas anuais do citado posto serán de 26.000 euros en 12 mensualidades que incrementaránse, no seu caso, co último IPC publicado ao primeiro día do ano, para a Comunidade Autónoma de Galicia, no correspondente período.

Funcións: As propias dunha secretaría personal da Alcaldía, maila coordinación de concelleiros".

INTERVENCIÓNS

O concelleiro Pazos Couñago indica que é o único posto de persoal eventual que se crea e, segundo o requerido pola oposición, especificáñase agora as funcións que asumirá como secretaria personal da Alcaldía e coordinadora de concelleiros, que non de concellerías.

O concelleiro Varela Couñago dí que entende que se trata dun posto de confianza e espera que non realice funcións executivas, anunciando a sua abstención.

A concelleira Pérez Orge anuncia o seu apoio á proposta, consonte co negociado na Xunta de Voceiros, unha vez que quedaron especificadas as funcións do posto. Se manterán vixentes de que non se excede de ditas funcións.

O concelleiro Orge Míguez indica que se trata dun posto de confianza e anuncia a abstención do seu grupo. Dí que non lles parece ben que a persoa que parece que va a ocupar ese posto leve xa cásque un mes traballando no Concello sen contrato e sen seguridade social e enviando comunicacións que asina ela mesma, cando considera que debería facelo o Alcalde e, preferentemente, en galego.

O concelleiro Pazos Couñago agradece aos grupos a sua colaboración para facilitar a adopción deste acordo e sinala que a señora Amoedo estivo colaborando desinteresadamente co grupo de goberno, cousa de agradecer.

VOTACIÓN E ACORDO



(Sello da Corporación)

(Sinatura do Presidente)

Folio N.º

Serie A N.º 1179442



Sometido o asunto a votación, o pleno do Concello, en votación ordinaria e por doce votos a favor (10 do PP e 2 do BNG) e oito abstencións (7 do PS de G-PSOE e 1 de AER) aprobou, nos seus propios termos, a proposta nos antecedentes transcrita.

3. ADOPCIÓN DE ACORDOS S/ RÉXIME RETRIBUTIVO DOS MÉMBROS DA CORPORACIÓN

ANTECEDENTES

Proposta da Alcaldía que, transcrita, di:

"Visto o disposto nos artigos 75 da Lei 7/85 de 2 de abril Reguladora das Bases do Réxime Local (LBRL) e 13 do Real Decreto 2568/1986 de 28 de novembro polo que se aprobou o Regulamento de Organización, Funcionamento e Réxime Xurídico das Corporacións Locais (ROF), e resultando que na sesión do pasado 27 de xuño quedaron pendentes de aprobación algúns dos aspectos do réxime retributivo e de asignacións dos membros da Corporación que cómpre someter novamente á consideración do pleno do Concello teño a ben propor ao pleno a adopción dos seguintes acordos en relación ao asunto de referencia:

1. Establecer que os concelleiros e concelleiras seguintes, sempre que ostenten responsabilidades de goberno, exerzan o seu cargo cunha adicación parcial de alomenos 18 horas semanais percibindo unha retribución bruta anual de 14.500 euros (en 12 mensualidades) con efectos do día 07.07.2011:

MIGUEL ANGEL ALVAREZ BALLESTEROS

JOSE ALBERTO PAZOS COUÑAGO

MARIA TERESA PARIS BLANCO

ANA MARIA ALONSO ALONSO

JESUS CRESPO LOPEZ

MARIA JOSE BARCIELA BARROS

ERMINDA QUELLE FERNANDEZ

ARTURO GONZALEZ BARBEIRO

CANDIDO VILABOA FIGUEROA

2. Establecer que o resto dos concelleiros e concelleiras poderán exercer o seu cargo en réxime de adicación parcial atendendo ó seguinte criterio:

2.a).- Concelleiros sen responsabilidades de goberno con adicación mínima de 8 horas/mes percibirán a contía de 432 € brutos/mes en 12 mensualidades.

2.b).- Voceiros dos grupos políticos con adicación mínima de 16 horas/mes percibirán a contía de 964 € brutos/mes en 12 mensualidades.

3. Establecer as seguintes asistencias para os concelleiros/as que non teñan adicación parcial: por cada asistencia a reunións de órganos colexiados (comisións informativas, pleno) 108 € por sesión cun máximo de 4 ao mes (432 €).

4. Determinar que a partir do día 1 de xaneiro do ano 2012 e por sucesivos períodos anuais, de non acordarse outra cousa, a contía bruta anual das citadas retribucións e indemnizacións será incrementada, no seu caso, co último IPC publicado ao primeiro día do ano, para a Comunidade Autónoma de Galicia, no correspondente período.

5. Determinar que a efectividade destos acordos condiciónase a habilitación da correspondente partida orzamentaria."

INTERVENCIÓN

O concelleiro Pazos Couñago sinala que a proposta segue a ser a mesma, despois de negociala cos voceiros dos distintos grupos e porque consideran que é a más axeitada para levar adiante o



seu traballo coma concelleiros.

O concelleiro Varela Couñago dí que están de acordo coa rebaixa dos soldos aos efectos de evitar políticos profesionais e indica que non comparten o que se di no Faro de Vigo sobre a postura da sua Agrupación.

A concelleira Pérez Orge remítense ao falado na Xunta de Voceiros na que o BNG formulou a sua proposta tendente a que se dote aos grupos políticos da infraestructura necesaria para o seu normal funcionamento. Dende esta perspectiva amósanse dispostos a facilitar que a proposta do equipo de goberno vaia adiante.

O concelleiro Orge Míguez sinala que xa explicaron por qué non compartían os criterios do grupo de goberno con respecto ás adicacións. Piden que se rebaixen o 30% as asignacións previstas aos voceiros da oposición, xa que 960 euros lles parecen excesivos, á vista da actual situación de crise. Prantéxase ata qué punto vai a poder gobernar o PP con 9 adicacións parciais e indica que o tempo o dirá polo que non van a votar en contra.

O concelleiro Pazos Couñago agradece novamente as facilidades e ao voceiro de AER dille ao mellor son profesionais da política pero non viven da política. Indica que dotarán á oposición de medios axeitados para traballar e considera lexítimas as diferencias co voceiro socialista pero ao seu grupo parécelle que a organización prantexada é a más doada para traballar e se logo comproban que non funciona, a modificarán. Agradece a proposta de que se baixe o 30% aos voceiros da oposición nestes momentos complicados e admite que a compensación de 432 euros é realmente exigua.

O concelleiro Varela Couñago di que cando fala de profesionais da política refírese á xente que está moito tempo sentada no sillón e eles queren que haxa un horario presencial, público e controlado. Está de acordo coa rebaixa proposta polo voceiro socialista do 30% aos voceiros pero considera que tamén debe aplicarse ao resto dos concelleiros e, ainda que non sexa obxecto do acordo de hoxe, ao Alcalde.

A concelleira Pérez Orge di que o BNG non cuestiona a proposta de organización prantexada polo PP porque é cousa deles, pero sinala que non está de acordo coa rebaixa do 30% para os voceiros que considera que é demagóxica e desprestixia esa función. Dí que no seu caso ese diñeiro non o cobrarían ningún dos dous concelleiros porque vai á sua organización pero estima que non é doada a rebaixa posto que é a mesma cantidade que hai catro anos, polo que de feito xa se rebaixou, e a crise non empezou agora senón xa hai tempo e tamén podían ter prantexado o aforro antes. Síntese vencellada polos criterios acordados na Xunta de Voceiros pero pregunta ao Alcalde se a proposta vaise votar enteira ou por partes, xa que, neste último caso, desvincúlanse do acordado.

O Alcalde sinala que o debate da proposta é conxunto pero a votación farase punto por punto.

O concelleiro Orge Míguez propón unha enmenda do punto 2 b) para rebaixar o 30% esa asignación por adicación parcial, polo que absteríanse no apartado 1 e votarían a favor do resto caso se aceptase a enmenda. Indica que o BNG fixo unha proposta na Xunta de Voceiros e o PSOE non pero non chegouse a nada definitivo nin é demagogia xa que os concelleiros socialistas poden decidir por sí mesmos e ao mellos os do BNG non.

O concelleiro Pazos Couñago sinala que as persoas que se adican á política debe contar cunha retribución digna e lles parece que, dadas as circunstancias, a proposta é axeitada ainda que tamén teñen responsabilidade e pensan que deben aceptar a rebaixa do 30 % na asignación dos voceiros proposta polo PSOE e AER ainda que non no caso das adicacións e asistencias do resto dos concelleiros, porque considera que a cantidade de 432 euros é certamente exigua.

O Alcalde sinala que polo tanto modificase a proposta e a cantidade asignada no caso do apartado 3 b) sería de 675 euros, no lugar dos 968 euros propostos.

VOTACIÓN E ACORDO

Procédese á votación dos distintos puntos por separado:



(Sello da Corporación)

(Sinatura do Presidente)

Folio N.º

Serie A N.º 1179443

1. O pleno do Concello, en votación ordinaria e por dous votos en contra (BNG) e oito abstencións (7 do PS de G-PSOE e 1 de AER) e dez votos a favor (PP) adoptou o seguinte acordo:

Establecer que os concelleiros e concelleiras seguintes, sempre que ostenten responsabilidades de governo, exerzan o seu cargo cunha adicación parcial de alomenos 18 horas semanais percibindo unha retribución bruta anual de 14.500 euros (en 12 mensualidades) con efectos do día 07.07.2011:

MIGUEL ANGEL ALVAREZ BALLESTEROS

JOSE ALBERTO PAZOS COUÑAGO

MARIA TERESA PARIS BLANCO

ANA MARIA ALONSO ALONSO

JESUS CRESPO LOPEZ

MARIA JOSE BARCIELA BARROS

ERMINDA QUELLE FERNANDEZ

ARTURO GONZALEZ BARBEIRO

CANDIDO VILABOA FIGUEROA

2. O pleno do Concello, en votación ordinaria e por tres votos en contra (2 do BNG e 1 de AER) e dezasete votos a favor (PP e PS de G-PSOE) adoptou o seguinte acordo:

Establecer que o resto dos concelleiros e concelleiras poderán exercer o seu cargo en réxime de adicación parcial atendendo ó seguinte criterio:

Concelleiros sen responsabilidades de governo con adicación mínima de 8 horas/mes percibirán a contía de 432 € brutos/mes en 12 mensualidades.

3. O pleno do Concello, en votación ordinaria e por dous votos en contra (2 do BNG) e dezaoito votos a favor (PP e PS de G-PSOE e 1 de AER) adoptou o seguinte acordo:

Establecer que os Voceiros dos grupos políticos con adicación mínima de 16 horas/mes percibirán a contía de 675 € brutos/mes en 12 mensualidades.

4. O pleno do Concello, en votación ordinaria e por tres votos en contra (2 do BNG e 1 de AER) e dezasete votos a favor (PP e PS de G-PSOE) adoptou o seguinte acordo:

Establecer as seguintes asistencias para os concelleiros/as que non teñan adicación parcial: por cada asistencia a reunións de órganos colexiados (comisións informativas, pleno) 108 € por sesión cun máximo de 4 ao mes (432 €).

5. O pleno do Concello, en votación ordinaria e por tres votos en contra (2 do BNG e 1 de AER) e dezasete votos a favor (PP e PS de G-PSOE) adoptou os seguintes acordos:

Determinar que a partir do día 1 de xaneiro do ano 2012 e por sucesivos periodos anuais, de non acordarse outra cousa, a contía bruta anual das citadas retribucións e indemnizacións será incrementada, no seu caso, co último IPC publicado ao primeiro día do ano, para a Comunidade Autónoma de Galicia, no correspondente período.

Determinar que a efectividade destos acordos condiciónnase a habilitación da correspondente partida orzamentaria..

E, non sendo outro o obxecto da presente sesión, pola Presidencia dase por rematado o acto, sendo as vinteunha horas e vintecinco minutos da data indicada no encabezamento, de todo o que como Secretaria dou fe.-